

SLUŽBENI GLASNIK

BOSNE I HERCEGOVINE



Godina VII - Broj 6

Ponedjeljak, 17. marta 2003. godine
SARAJEVO

ISSN 1512-7486
Bosanski jezik

PARLAMENTARNA SKUPŠTINA BOSNE I HERCEGOVINE

53

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na sjednici Doma naroda, održanoj 13. februara 2003. godine i na sjednici Predstavničkog doma, održanoj 5. marta 2003. godine, usvojila je

ZAKON

O IZMJENI ZAKONA O DRŽAVLJANSTVU BOSNE I HERCEGOVINE

Zakon o državljanstvu Bosne i Hercegovine ("Službeni glasnik BiH", br. 4/97 i 13/99) ovim se mijenja i dopunjava kako slijedi:

Član 1.

U članu 39. stav 1. broj "5" zamjenjuje se brojem "15".

Član 2.

Ovaj zakon stupa na snagu 31. decembra 2002. godine i objavit će se u "Službenom glasniku BiH", "Službenim novinama Federacije BiH", "Službenom glasniku Republike Srpske" i "Službenom glasniku Brčko Distrikta BiH".

PS BiH broj 4/03
5. marta 2003. godine
Sarajevo

Predsjedavajući
Predstavničkog doma
Parlamentarne skupštine BiH
Šefik Džaferović, s. r.

Predsjedavajući
Doma naroda
Parlamentarne skupštine BiH
Velimir Jukić, s. r.

VIJEĆE MINISTARA BOSNE I HERCEGOVINE

54

Na osnovu člana 14. stav 2. tačka c) Zakona o trezoru institucija Bosne i Hercegovine ("Službeni glasnik BiH", broj 27/00) i člana 17. Zakona o Vijeću ministara Bosne i

Hercegovine ("Službeni glasnik BiH", broj 38/02), Vijeće ministara Bosne i Hercegovine na 2. sjednici od 13. februara 2003. godine, donijelo je

ODLUKU

O IZMJENAMA I DOPUNAMA ODLUKE O PROCEDURAMA POVLAČENJA SREDSTAVA IZ MEĐUNARODNIH FINANSIJSKIH ARANŽMANA

I

U Odluci o procedurama povlačenja sredstava iz međunarodnih finansijskih aranžmana ("Službeni glasnik BiH", broj 10/02), u tački II riječi: "Ministarstvo za trezor institucija BiH" zamjenjuju se riječima: "Ministarstvo finansija i trezora".

U ostalim tačkama Odluke zamjenjuju se riječi: "Ministarstvo za trezor institucija BiH", riječima: "Ministarstvo finansija i trezora" u odgovarajućem padežu.

II

Tačka IV Odluke mijenja se i glasi:

"Za povlačenje sredstava sa kreditnih/grant računa na depozitne račune otvorene u Centralnoj banci BiH ili na specijalne račune projekta ovlašten je ministar finansija i trezora.

U slučaju spriječenosti ministra finansija i trezora, ovlašten je zamjenik ministra finansija."

III

Tačka V stav 2. Odluke mijenja se i glasi:

"Za sve operacije po računima iz tačke III ovlašten je ministar finansija i trezora. U slučaju spriječenosti ministra finansija i trezora, ovlašten je zamjenik ministra finansija i trezora."

IV

Ova odluka stupa na snagu danom donošenja, a objavit će se u "Službenom glasniku BiH", službenim glasilima entiteta i glasilu Brčko Distrikta Bosne i Hercegovine.

VM broj 13
13. februara 2003. godine
Sarajevo

Predsjedavajući
Vijeća ministara BiH
Adnan Terzić, s. r.